

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИНТИБИРНИЛА ШАЙЧИБСИ ГАЗЕТА

№ 11 (112) ноябрь 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / зуль-къаада 1429 г. Багъа 15 къуруш.

МУБАРАК

Лебтачилра уркџеџила веџ Аллагъла уличил!

ХИУРМАТЛА ДИННА УЗБИ ВА РУЗБИ!

Дагъиста бусурмантала Динна управлениела жавабла хіянчизартала ва дила шайзирад хлуша мубаракдирулрая дурхъаси Ид-аль-Адхала — (Къурбан Байрамла) бархиличил.

Аллагъли къабулдараб хлушала лерилра гяхти баркъудлуми. Къудратла Веџ Аллагъли сунела уркџеџи гъаттира имџабараб.

Къурба Байрамла баракатла бурхназир дарибти гяхидешуни мурталра хлушачил калаб, бунагъуни биалли даимлис хлушачирад гъарахъдикаб.

Хлушала уркџеџи динничи бирхауди каммабаб. Дунъяли-чирра ахиратлизирра талихчертили диабая!

ДУМД-ла Председатель, Дагъиста муфтий Гяхимад хіяжи ГЯБДУЛЛАЕВ

ХІЯЖ – 2008 ДУС

Секъяйда бирусир гъалаб хіяж?

Ряхіму-уркџеџила Веџ Аллагъла уличил. Мусни-зубрала веџ Аллагълис деза. Даршудеш ва балгни идбагуназивад бегла гџергъиси нушала идбаг Мухаммадлис ﷺ, илала хъалибарглис ва илала икъалачибас.

Гъарли-марли, дахъал жузи лер, чузибра нушаб гъалабтани секъяйда хіяж бирусирил бурти. Нушани гурра чуйнара аргъира хіяж барахъес маслигътибирутани дуроти. Амма нуша нушаб гъалабтазирад деклардулхула ва илдачи мешути детаэс къасбирули ахленра.

Хіяжли рухл ва уркџи умудирахъути сари. Гъарли-марли, хіяж дурабуркџелели дирути тяхяр-къяйда халаси къадри лебси саби ва илдани нуша Къудратла Веџлис мутигли ва къуллукъличир диъни иргъахъуси саби. Нушани балула, секъяйдали умути рухличил ва умути уркџеџи декларбулхътирил нушаб гъалабти, секъяйдали илди Аллагълизибад урухкџутирил, илхџелера илди чули дирути къабулхџедаресгу или урухкџутири. Нушачила буралли, Аллагъли ряхіму-

уркџеџи дарибтачила гъахџедиклахџелли, нушала баркъудлумазиб Аллагълизибад урехи ва кагидеш агарли биаллира, паргъатли сарра ва дугили муриси гъанкли дусула, хіятта нушаб беглара бурибси алжайзиб—Фирдавслизиб мер хіядурли сабхџеливан.

Се диргалабулхъули, гъатли, нушабра нушаб гъалабтигъунтили диахъес? Нушаникун дирира кџелра дунъялизир диэс дирути гяхидешуни сархес.

Нушаб гъалабти зияратли аркъуси замана ва хіяж бирухџели


Аллагъли чури ряхіму-уркџеџи дараб, нушаб гъалабтани чурил барх зияратли дурабухъунтала хурматбирес балусири.

» 2-3

ДУРХЪАТИ БУЗРИ

Зуль-Хиджа баз

Зуль-Хиджа баз (Зуль-Хиджа) бусурмантала дурхъатигъунти бузразибад ца саби. Ил къадагъа лебти авал базлизибад (Ражаб, Зуль-Къаада, Зуль-Хиджа, Мухяррам) ца саби. Илди бузразир Къудратла Веџ Аллагъли дургъби, къалмакъар, хіла душмайс чеббирџи къадагъадарибти сари. Зуль-Хиджа базла хаслира дурхъати сари гъалар-гъаларти веџал бархли.



Ас-Салам-фото

Бусурмантала беглара дурхъаси байрам — Гид аль-Адхала — (Къурбан-байрам) ил базла веџибил бархли сабиуси саби. Зуль-Хиджа базлизиб бусурмантани Хіяж бирусир саби. Ил биалли бусурмантани черти хълчили-диубти шел секлайзибад ца саби. Ил базлизиб саби дурхъати бурхназибад цара — Гярафала бархлира (базла 9-ибил бархли). Ил бархли

хіяжликъянаби Гярафала мерличиб бирути саби. Гярафала бархли «Ихлас» (Къулгъу) сура азирна бучла-хъес маслигътибируси саби. Илдазибад гъарил «Бисмилагъличибад» бехбирхъуси саби. Хіядисунала цализиб бурили саби ил бархли азирна «Ихлас» сура белчунсила лерилра бунагъуни урдилзути сари или.

» 4-5

Номерлизир:

4

БУСУРМАНТАЛА БАЙРУМТИ

ГИД АЛЬ-АДХА (КЪУРБАН-БАЙРАМ)



5

БУСУРМАНТАЛА БАЙРУМТИ

КЪУРБАН ЛУГЪНИЛА ШУРТІРИ



6

ГЯХІТИ АДАБТИ

БУСУРМАНТА ХУРЕГ БУКНИ



7

ГЯИМТИ ВА СУФИЗМ

ИБН СУРАЙДЖ



ХІЯЖ – 2008 ДУС

Секъяйда бирусире гъалаб хІяж?

Илди пергер балликъянабили бирутири ва гъуйчир илдани къацфра шинра дуртлугири. Илдазивад гъарил сунечил вархисилис икъалави-эс гъазализив вирусире. Цалис итил кумекличе музаулхъхлели, ил сегъуна даражала ва жамигъатла бухнаб сегъуна мер буцибси адам саял хІсаблизе кайсусе ахленри.

Аллагъ сунечи разиле калаб, Муджахид виклусире: «АрхІяла замана

хІерхлели, наб хурег барес бажарди-иркусире!»

Гур ил адам Бухаймличира музавхъи сай ва илра архІяличивад чарухъ-ниличил мубараквариле сай. Гур хъарбаиле сай: «Сенизура хІед ит валликъяна?» Бухайм виклуле сай: «ГІяхІси гъалмагъ сайри, гъаман Аллагъ гъаниркахъи, Къуръан имцали бучІи, гъалмагълизивад кабикибси хатІаличивад жавле чевурхи. Наб итгъуна къуллукъ

Секъяйда бирутири илди ихІрамличил ва Атталбияличил («Лаббайкличил»)?

Дила ахІерсе узи, нушаб гъалабтани къасбирусире рухІла мурхъдешлизе бикайчи ихІрамлизебси хІял багъес. Илдани ил иш дунъяличилти лерилра бархбасуни тІашаъниван иргъусире, рухІличил ва чула къаркъайчил саби акІахъубси мусни-зубрала вегІбекІАллагъличе баэс гъазализеб бирутири. Ил багъандан илди ихІрамла хІяйзи халасе паргъатагардешличил ва Аллагъли чули дирути къабулхІедаресгу ибси урехилизеве бухнабурхутири.

Анас бин Малик ихІрамла хІяйзи виркухлели иш дунъяличил бархбасунсе селичила-биалра гъайиклусе ахленри. Ил хІяйзивад дуравхъайчи илкъяйда кавлусире.

ГІяли бин Аль-ХІусейн, Аллагъ разиле калабгу сунечи, ихІрамла хІяйзи виклибхІелле ухъутлусире ва ружерлизи викибсире, хІятта Атталбияла дугъ-

ЖягІпар Ас-Садикъли хІяж бирухлели, Атталбияла дугъбе дурес дигуле уиле сай, илала вяхІла ранг дарсдиубле сари. Илизи хъарбаиле саби: « Аллагъла расулла ﷺ урши, хІед се биубле?» Илини жаваб бедиб: «Наб дигулра Атталбияла дугъбе дурес, амма урухІулра ну хІерле ахленсе жаваб гесгу или».

Аллагъли сунечи урклеці бараб, ихІрамла хІяйзи кархухлели Шурайх ГІянціубсичиле мешуиклри, сенкІун ил лехІкахъилри ва Аллагъла гъалаб бекІ ГІяшкабуциле тІашизурлири.

Нушала заманала хІяжликъянабазивад бахъле Атталбияла дугъбе дуруле ахлен, илди дугъбе дурутазива-дра бахъле ГІяшли дуруле саби яра чузе чуле дуруле саби. Нушаб гъалабтани биалли иличи урглебсе бирусире.

Абу Хазимле буриб: «Идбагла ﷺ икъалачибсе ихІрамла хІяйзи кабурхухлели, рухІ паргъатдиубсе даражаличи биркути ахленри, чула тІама буайчи». Илдани балусире Аллагълис се ГІяхІбилзанал, илхІелера Идбагла ﷺ икъайчил, суненира ибсе: «**Набчи Жабраил музавхъун ва набчил барх бирути дила икъалачибазе буряхъес хъарбариве Атталбияла дугъбе ахъле дурахъес**». Идбагла ﷺ гІурра бурибсире: «БегІлара ГІяхІсе ХІяж—ил Атталбияла дугъбе ахъле дурни ва къурбайс делгъунти мицІирагла хІила хІуркІе кадухъни саби».

Нушаб гъалабтани ХІяжла замана секъяйда суждабирусире?

Имам ибн Ражабле (Аллагъли урклеці бараб сунечи) бирусире ХІяжла замана бегІлара ГІяхІсе бал-



Ас-Салам-фото

нуни Ибн Гумарлис къуллукъбирусире. Амма илини сунени наб къуллукъ-бируле виъни ашкарбиуб».

Илдани чула арц гъалмагъунас харждирутири, цархІилтала шайзирад чучи дяхІчиути далагардешуне чекай-сутири ва зигарбиклуге ахленри.

Гурра буруле бирар, Бухайм Аль-Аджалит ца давлачевсе базриганничил варх ХІяжли укъес хІядуриубле уиле сай. АрхІяличе дураулхъусе бархІи Бухайм висикайиле уиле сай, хІятта нургъбе илала михъирличе булан чяхІдиклуле дуиле сари. Гур ил виклуле сай: «Ил сапарла ГІяхІядешле нуни Аллагъличе дураберкІибсе архІя гъанбикахъира»,--ва гъатира ахъле висесвахІиле сай. Ил секІал варх архІяличе дуравхъунсе давлачевсе базригайс ГІяхІбизурле буиле ахлен. Ил урухиубле сай, лебилра архІяла замана висуле, ил сунес анцІулкъан или. Амма илди ХІяжлибад чарбухъунхІелле, илдачи саби кІелра архІяле дурабухъес гъалаб тянишбаривсе адам музавхъи сай. Илини гъала-гъала базригайс салам бедиле сай ва Бухаймличил дураберкІибсе архІя хІед къабулбиклуге или хъарбиле сай.

Базригай жаваб бедиле сай: «**Нуни хІебалара илалагъунти хІялтІабигІятла бегІти адамти биэс бирниличила. Ну давлачевсе адам сайкъара, илини сунела арц ну багъандан ра харждируле калун, хІятта илди сунесра хІяжатле диаллира!**

Гъести ГІямрула адам сайкъара, илини архІяличиб наб къуллукъбирусире! Ил сай дубурцуле виъниличе



Ас-Салам-фото

барни багъандан Аллагъли сунес дахъал ГІяхІдешуне дараб».

Ибн Аль-Мубаракле зияратла замана сунела балликъянаби бегІлара ГІяхІти хурегуна балхусире, сай биалли дубурцусире. Сунела шагъарлизивад хІяж барес дуравхъес хІядуриалри, илини сунела икъалачибсе бурчусире ва илдазивад чис хІяж барес дигулил хъарбиусире. Илини илдазира-рад арц сайсусире ва сандуклизе дигІяндирусире, хІяж барес хІяжатте лерилра харжани сунени дирусире, илхІелера бегІлара черикІла хурегуна балхусире ва Маккализир илдас дигутигъунти савгъатунира исусире. Хъуле чарухъунхІелера илини лебилра балликъянабас хурег хІядурбирусире. Гур илдазивад гъарил сунечи гъамаихъубле, сандуклизирад илини дедибте арц дурайсусире ва чардирусире.



Ас-Салам-фото

би дурес вирусире ахленри. Илизи хъарбаиле саби: «ХІед се биубле?» Илини жаваб бедиле сай: «Ну урухІулра набзи иру или: «Ну хІела гъалав ахленра ва хІед гъарбиз хІебирар».

гни дурусиле каргъни саби или. Балгни кахІергъурле хІяж бирусиникІун, хас-лира хІяж ГІяхІулале бирусиле биалли, ца къуруш сархес багъандан азир къуруш детахъахънигъуна саби, иб или. Нушаб

ХІЯЖ – 2008 ДУС

гъалабтани балгни чекабизурли кар-гъутири. Идбагли ﷺ зиярат ахирличи биркахъули, чеимцџати балгнира дирусири, сунела миџирагличив мурдали сайхџелера вирд-балгни дирусири.

Амир бин Рабиглани (Аллагъ разили калаб сунечи) хабар бурусири, секъяй-дали сунени Аллагъла Расул ﷺ зияратла замана дугили архџа дурабркџуџелели, сунела миџирагличи мурдали, секъяй-да ченмџаси балга бирулрил чеира или (Аль-Бухари ва Муслим).

Ибн Гумарли (Аллагъ разили калабгу сунечи) бурибсири: «Аллагъла Расулли ﷺ сунела миџирагличи мурдали ил башуши шайчибџаџа чеимџаси балгалис гџергъи витрула балгара бирусири. Амма илини чеблибиубси балга сегъуналра анџџкълизиб миџирагличи мурдали бируси ахџенри» (Аль-Бухари,

ти балга-дугџа Аллагъли къабулдирни-личи илди џумали бирхутири.

џа адамли Ибн Гумарлизи, Аллагъ разиликалабгусунечи, иб: «Секъяйдали бахъал хџажликъянаби лебал!» Ибн Гумарли жаваб бедиб: «Бакибти бахъал леблихъалли, хџажликъянаби камти саби!»

Судџа Шурайхли иб: «Бакибти бахъал леблихъалли, хџажликъянаби камти саби. Секъяйдали бахъал лебал гџахџдешуни дирути, амма илдазибра илди урки-уркиларад Аллагъ багъандан дирути камти саби».

Гумар бин Хаттаблџа гъачам Маккализџа аркъуси замана гъуйчиб иб: «Нушала гъез дархили сари, палтар хъасали диџили сари, хџушани хала-ти харжани дарилра ва къияндешуни чекайсулра. Ил бирулра иш дунџяли-

Нушаб гъалабти Гџарафатличиб сели биркъџи?

Ахџерти узби ва рузби, нушаб гъалабти Гџарафатла дубурличиб џаван вяшбикџули хџебири.

Бири урезили ва урехили бирџџути, бири гџахџсилџичун хъулбикџути, лебри вас-васъалали паргъатагарбарџити, зияратла замана џула хъулиб-таци карџџиубти, амма илди лебилра зџџулизиб (Аллагъ гъанџџахънилизџи) џагъунти сабри, илдигъунти сабри Аллагълизи булгџуџелера.

Гџабдулла бин Шудџайрла дурхџни Мутаррифва Бакр, Аллагъ разиликалаб саби кџиличилра, Гџарафатличибси џа мерличиб тџашбизурли буили саби. Мутарриф викџули сай: «**Ва дила Аллагъ, ну багъандан иш мерличиб тџашизурси џархџил сайџун малтад!**» Бакрли имџабарили сай: «**Сегъуна хџурматла мер сабил ну тџашизурси иер, ишаб тџашбизуртала сегъунти черяхџти умутуни саррил, рахли ну илдала ургав агарси виасри!**»

Аль-Фузейльли хџаж бируси замана Шугџайб бин Хџярблизи или сай: «Хџура нура тџашдизурси мелџив хџечивра набчивра вайси лев или гъанбирџули биалли, хџу дебали хатџаирџули».

Амма илдазибси умутра бетџхъули ахџенри.

Ибн Аль-Мубаракли ишгъуна бурусири: «Ну бархџехъ Суфъян Ас-Савричи вакира ва ил Гџарафатличиб къукъму-

СИЯХ
ХІЯЖ
Чи Аллагъличи ва Къиямалла бархџиличи вирхули виаллира, илини гџахџсиџун бураб яра лехџахъили уаб

Секъяйда бири илди Тавафла (Аллагъла Юрт алавбируси) замана?

Абдал-Мудџид бин Аби Раввалли иб: «Илдани Къудратла Веџ Аллагъ гъанџџахъули, булгули ил Юрт алавбирулри, џула бургачи кадиили арџанти лерхџеливан. Чини илди чебаиб виаллира, багъур илди суждабируси хџайзиб биъни».

Суждабирнила џа журализџибад саби Тавафла замана мурул адамтира хъунул адамтира мякълаб лебли биъни багъандан хџулбала хџер ванзаличибџаџа бџахџчиъни.

Ибну Аль-Дџаузџини иб: «Багъирая, чебси саби хџулбала хџер гџаџкабуџес, се-биалра къадагъабарибси чебаибхџелера бекџа гџаџбурџуси саби. Ил бирнили џуйна уџахъули калунти, хаслира ихџрамла замана рахли хъунул адамла рџаџа гъаргџиалли, Аллагълизилад урухџусини иличила хъумуртес асухџебирар, сенкџун џумилра адам тџагъамагарси агџилизи бикибтири, илди алавџар хџербикџули кални багъандан!»

Хъунул адамтасра Тавафла замана мурул адамтала ургав къурд-хъаџлизи биркес асухџебирар, илдани Юртла мякълаб бахъал адамти агарси замана чеббиркџес бирар. Илкъяйда бирусири бусурмантала неш Гџайшани. Илаб бахъал адамти џалабикили биалри, илини џудара къаркъа байбируси ахџенри.

Илизи сунела къаравашли ибхџели: «Ва бусурмантала неш, нуни Юрт верхџна алавбарџи ва гџамзилизи кџинарил хџайнарил къяџрикуна». Гџайшани илизи ибсири: «Аллагъли шабагъатла марараби хџу! Аллагъли разимарараби хџу! Мурул адамтаци къужриџули калунри рургуд?! «Аллагъу Акбар» или мякъларад шалгџеррухъес сен хџериубри?»



Ас-Салам-фото

Муслим). Мухџаммад бин Васџа дугили Маккализџа аркъуси гъуйчив улгулри. Валруми гъаџдарџитаци биалли хъарбарџибири ахъли тџамали биркъахъес, сунечи пџџри бџахџџихџахъес багъандан.

Хџаж бируси замана Масрук усаль-аллира ванзала икрамлизџив усусири.

Аль-Муџира бин Хџаџим Ас-Санџани хџаж барес Йеменнизилад хъуралџи вашусири. Илини илхџелера гъар дуги Къуръанна хџабал бутџала џа бутџа бџџусири. Ил барес багъандан ил улгес тџашилзусири ва гџелакалхъусири, гџахџџаџа замана арџаџкъунхџели карбайг гџеввиусири.

Нушаб гъалабти Хџаж бируси замана гџердирнилизџибад ва џџабдешлизџибад мяхџкамли бирутири

Хџаж ункъли дурабџеркџес къас лебси-ни асилдеш багъандан яра ишра барира или бурес багъандан ил бирнилизџибад мяхџкамдеш бирусири. Архџяла замана халабурхути ахџенри ва хамли бирути ахџенри. Аллагъ разили калахъес багъандан Хџаж Аллагъличи гъамџез къасличил дурабурџуси саби. Ил вазџпала замана ил мутигџли ва Аллагълизилад урухџули виџез гџагџниси сай.

Аллагъ разили калабгу џуџи, нушаб гъалабти чекабизурли бирути халахџеберхес, џуџи саби илгъуна архџа бирулра или гапхџебикџес къайгъилизи бирутири. Урки-уркиларад дарџиб-

зир лигџматуначџи хъулхџедџули. Ил багъандан нушани Хџажличиб къулайси архџа балули ахџенра!»

Дурхъати адамтазилад џа хџаж барес дуравхъунси адам чеибхџели, тџашилзур ва, висџикаџили, иб: «**Сегъуна гъунарагардеш сабил. Гџур декџси гъигъабатурли, имџабарили сай: «Сеџад игъбарагарси саял ил Юртлизи вазс хџейубси. Сеџад игъбарагарси саял ил Юртла Веџличи вазс хџейубси?»**»

Хџаж барес ахъри агарсилџис, дурхъати мераначџи зияратли аркъути яра илабад чарбулхъути чебаибхџели, пашманиџес ва хџялагариџес хџажатти лерилра сабабти дирар.


Дурхъати мераначџи бџаџунти адамтази ая: «**Даимти ункъразџиб хџушала хурегличи гџахџси иштџаџи биаб. Нушара дахабая шинни, хџушакџун илдала гџинзурби саррая».**

сџили варџира, ил нургъба џахџикџули. Ил набчивџахџи ласџахџибхџели, нуни илизи ира: «Ишаб џалабикибтазилад џи сая бегџлара декџси хџайзи викибси?» Илини жаваб гџиб: «Аллагъ сунечивад чевхџерхар или пџџриикџуси».

Гџурра бурули бирар, бархџехъ Гџарафатличиб бисутаци хџерикџули Аль-Фузейльли ибсири: «Эгер илди чџи-биалра гъамбиубли дирхемла урегал бутџала џа бутџа бџаџабаралри, илдас ахџерабирџи?» Илдани жаваб бедили саби: «Хџебири!» Гџур, сунела пџџри даимбарџили, ил викџули сай: «Аллагъличи хъа бирулра, Аллагълиси нушачивад чевверхес гъамадли саби, ил адамлис дирхемла бутџализивад ухъесличиб. Ну Аллагъличи дугъаилзулра ил хџушачивад чевверхахъес. Ил чевурхуси ва рџахџмула веџ сай».



Ас-Салам-фото



Ас-Салам-фото

БУСУРМАНТАЛА БАЙРУМТИ

Зуль-Хиджа баз

Хиядислизиб илкъяйдали бури-ли саби, Аллагълис беглара дигути ва беглара дурхъати бурхъни—илди Зуль-Хиджа базла гьалар-гьаларти вецлара бархли сари или. Ил базла гьалар-гьаларти урчлемал бархли ва хаслира Гярафала бархли дубурцахъес маслигътибуриси саби (Хияж бирути хияжликъянаби халхлебарили).

Иличила Гяйшачибад баибси хиядислизиб бурули саби, ца жагъил адам Зуль-Хиджа базла гьалар-гьаларти вецлал бархли дубурцусири. Иличила Идбаглизи багъахъурли буили саби. Идбагли хьарбаили сай, сен дубурцулри или. «**Ва дила хилубала шала, илди Хияжла бурхъни сари ва ну хияжликъянаба дарибти балгнала гяхидешлици хьуликлулра**», – жаваб бедили сай гьулухъани. Ва илхели Идбаг виклули сай, илди бурхъназив дубурци багъандан гьарил бархиличи халдарили, хлед даршал лагъ азадбатурхелигъунти, садакъалис даршал хияван дутибхелигъунти, гъазават дурабуркитас даршал урчи дедибхелигъунти гяхидешуни дирар.

Гярафала бархли дубуци багъандан биалли, клел азир лагъ азадбатурхелигъунти, садакъалис илдицад хияванти дутибхелигъунти ва гъазаватлис илдицад урчи дедибхелигъунти гяхидешуни дирар.

Хиядислизиб илкъяйдали бури-ли саби, Гярафала бархли дубуци багъандан дирути гяхидешуни клел дус дубурцухъели дирути гяхидешуначил цугти сари или. Ил бархли дубуцибсила илис гьалабси ва илис гьегъисидусли-



Ас-Салам-фото

зир дарибти бунагъуни урисути сари. Гярафала бархилис клел бархли гьалав дубуцибсилис Айюб идбаглисцад гяхидешуни дирути сари, Гярафала бархли дубуцибсилис биалли—Гиса идбаглисцад.

Илди бурхъни балга-дугъялизир дурклахъес маслигътибуриси саби, садакъа буртлуси саби. Къурбан белгъес хиядурикъусилис биалли Зуль-Хиджа базла гьалар-гьаларти вецлал бархли, хияван белгъайчи, гъез къицидирес ва нукуби ульъес маслигътибуриси ахлен (карагъат).

Гид аль-Адхля (Къурбан-байрам)

Гид аль-Адхля—бусурмантала беклибиубси байрам саби. Ил Зуль-Хиджа базла 10-ибил бархли бехибирхъуси саби. Цархилван буралли, Гярафала бархилис гьегъисид бархли саби. Гид аль-Адхлялис гьегъити хиябал бархли (11, 12, 13) «ташрикъла» бурхъни сари.

Гид аль-Адхляла бархилис гьалабси бархли берхли гьелабикниличибад бехибихъили, Гидла дехибайчи бикайчи бусурмантани ахъли такбир бучлуси саби. Такбир бучлуси саби мижитуназиб, хьулразиб, къакъализиб ва майдунтачиб — чинабалра.

дидалли, савли диубцад жявли адизирая, таманти дазала дарая, гъез далдарая, нукуби къисдарая, умути палтар чегъая (лерли диалли сагати чегъни гяхисид саби), миски пайдалабарая, гур хуреглахъедиубли Гидла дехибала дарес мижитлизи дукъеная.



Ас-Салам-фото

Гидла клелра бархли (Гид аль-Адхля ва Гид аль-Фитр) гьар чинабалра ахъли такбир бучни ил мер (ши яра шагъар) бусурмантала биънилис бикъридеш дируси лишан саби. Илала дурабад, такбир гьарил дехибала дарибхелира бучлуси саби, илди такбирличил тамандирули. Илкъяйда такбир бучлуси саби Гярафала бархиличибад бехибихъили, ташрикъла бегла гьегъисид бархила берхли гьелабиркухъели дирути дехибайчи бикайчи, базла 13 ибил бархила.

Зуль-Хиджа базла 9-личибад 10-личи бикайчи дуги балга-дугъялизиб бурклахъес маслигътибуриси саби. Ил барес имкан агарли биалли, ил дугила хиябибил бутлара яра ил замана-ла камси бутлара илкъяйда берклес къасбарая. Ил баресра къиянбулхъули биалли, савлила ва дугила дехибала жамигъятличил дарх мижитлизир дарая.

Дайдугилис гьегъи таманти дазала дирути сари байрамла хурматлис (нийят ишкъяйда бируси саби: «**Нуни къасбарилра Къурбан-байрамла хурматлис таманти суннатла дазала дарес Къудратла Веги Аллагъ багъандан. Аллагъу Акбар**»). Гъез къицидирути сари ва нукуби къисдирути сари, умудеси бируси саби.

Эгер хлушани ил дуги балга-дугъяличил мицирбарес хледирули

Илди гьадатлибиубли дирули бирар савли бархли гьаббакили гьегъи 45 минут дикибхели (мижитла имамлизибад гьаланачибал ил замана белгибарес дирудая).

Гидла дехибала Дуббуцарла бархилаван (Гид аль-Фитр) дирути сари.

Чини Гидла дехибала дарес балули хлейаллира, гьадатла клел ракаглатла суннат-дехибала дарес вирар. Гидла дехибала дарес нийят ишкъяйда бируси саби: «**Нуни къасбарилра (дехибала жамигъятличил дарх дирули виалли «жамигъятличил» яра «имамлис гьегъи кайзулри» ибси дев имцабириси саби) къурбан-байрамла хурматлис Аллагъ багъандан клел ракаглатла суннат-дехибала дарес**».

Къурбан-байрамла бархли мицираг лугъути сари. Къурба садакъа иличи хияжатдеш лебтас буртлуси саби, гьамтачи, унрубачи, гьалмагъуначи ва цархилти динна узбачи илди байрамличил мубаракбарес музаулхъуси сай. Байрамличил бархбасахъи илдази вегла разидеш балахъуси саби.

Бусурмантас держла бужахъес чумали къадагъабарибси саби ва ил бархли держла бержни халаси бунагъла баркъуди саби. Ил бархли держла бержалли, Исламла дурхъадешуначи дукаряхниличил цугси саби.

СИЯХ

Хлу дебали
цлакъси виадлира,
хлечибра
гьунарагарти
гьиммабурклахъид

Бусурмантани къурбан лугъни

Гид аль-Адхляла бархли яра илис гьегъити ташрикъла хиябалра бархилизиб къурбан лугъни суннатун муаккадатун Нушала Идбаглизи сунечи хасси пикри бяхичиуси суннат) саби.

Илди бурхъназив къурбан белгъни дебали къиматлабириси баркъуди саби. Къурбан лугъуси саби балугълаваибси бусурман адам багъандан ва лайкъси ният бируси саби. Къурбайс лугъуси мицираглизирад хли чяхидухъниличил ил адамличирти бунагъуни урисути сари.

Машгурти гьалимти ва валиби къайгъилизиб бирутири гьарил дуслизиб къурбан лугъес. Ил багъандан нушазивад гьарилли къасбирес чебиркур къурбан белгъес имкан бургес. Имкан лебси бусурман адاملы ил хлелугъни беклили бархъси ахлен. «Дила умматлизибти гяхитигъунти адамтани къурбан лугъа, вайтани—хлелугъа»,-- бурили саби хиядислизиб.

Къурбайс делгъес асубирути мицираг сари: валруми, къули (бугъни), кигъми яра гьежни (цархилти мицираг къурбайс лугъути ахлен). Илди лугънила къулайдеш чедибси гьабгьегъидешлизибад багъес вирар.

Валрира къяпра верхлел адамлис къурбандирути сари, кигъара гьежара—ца бусурман адамлис.

Эгер хъалибарглизиб ца кигъа яра гьежа лугъули биалли, ил барниличил суннат таманбарибсилиси халбируси саби хъалибарглизиб лебти лебилра балугълабаибти адамтас. Къурбан белгъни багъандан бируси гяхидешра лебилра хъалибаргличи чебетуиси саби.

Амма гяхисилиси халбируси саби хъалибарглизибти верхлел адамлис къял лугъни.

Къурбайс белгъунси мицирагла диъ садакъалис зярхли бедлугни къулайси саби, хъалибарглис баракатлис диъла бутла батурли. Къурбайс белгъунси мицирагла хиябал бутлала ца бутла садакъалис бутлесра асубирар.

Ил шайчиб гьалабирхъуси беглара камси тлаб—закатличи хияжатси бусурман адамлис зярхли диъла бутла бедни саби.

БУСУРМАНТАЛА БАЙРУМТИ

Кѡурбан лугънила шуртѲри

1.Кѡурбайс лугъуси миѲираг халаба-ибси биѲс чебиркур: кигѡа—дус биубси, гѲамрула кѲиибил дуслизибси; гѲежа ва кѡял (бугѡа)—кѲел дус биубси, гѲамрула хѲябѲибил дуслизибси; валри—шел дус биубси, гѲамрула урег-ибил дуслизибси.

2. Кѡурбайс лугъуси миѲираг ара-сагъси биѲс гѲягѲнибиркур, сунезир сегъунтирла чулахъдеш агарси.

Белгѡес асубируси саби чумал цула агарси яра лихѲила хѲябал бутѲала ца бутѲайчиб имѲѲали ахѲенси агарси миѲираг, амма бекѲлил цулби агарси яра лихѲила хѲябал бутѲала ца бутѲаличиб имѲѲаси агарси белгѡес асубируси ахѲен. МиѲирагла кѡуйрукѡра, хѲулбира, кѡаркѡа цархѲилти биркѲунтира ара-сагъти диѲс гѲягѲнити сари. Лугъахъес маслигѲтибируси саби цѲерхъси миѲираг (дебали чукуѡаси лугъес асубируси ахѲен). МиѲираг изала агарси биѲс чебиркур.

3. Кѡурбан лугъути замунти дузахъес чебиркур. Кѡурбан белгѡес асубируси саби Зуль-ХѲиджа базла 10-ибил бархѲи берхѲи абухъунхѲейчибад кѲел ракагѲатла дехѲибала дарес баари замана арбѡякунхѲейчибад бехѲибихѲили, 13 ибил бархѲи берхѲи гѲелабикайчи.

4. Кѡурбан белгѡес гѡалаб нийѲт барес чебиркур.

ВегѲлис кѡадин (мурул адамтани) чуни белгъни кѡулайси саби, лайикъси нийѲтра барили. Ил барахъес цархѲил вакилваресра асубируси саби.

Амма илхѲелира вегѲлис мякѡлав виахъес маслигѲтибируси саби. ИлхѲели кѡурбан сунес лугъусили нийѲт бируси саби, амма илини нийѲт барахъес цархѲил вакилваресра вирар. Илини саби кѡурбан лугъусира.



Акбар. Аллагъу Акбар. Аллагъу акбар. Ла илагъа илла ллагъу валлагъу акбар. Аллагъу акбар ва лиллагъил хѲамд». ХѲяйнайс «**Ла илагъа илла лагъу ва ллагъу акбар...**» эс гѡалаб имѲѲабиру: «**Аллагъу акбар кабиран, вал хѲамду лиллагъи касиран, ва субхѲаналлагъи букратан ва асила**».

ГѲур, миѲираг алгъай шалиличи кабир-хъахъи, Кѡиблала (Маккала) шайчивихѲ кай-



МиѲираг гѲяхѲил бугабарибси дисли белгѡес чебиркур, ил багъандан дис гѡаланачи бугабалтуси саби. Лугъуси миѲираглизи дис чебиахъуси ахѲен. ЦадехѲ миѲираг цархѲилти хѲердикѲахъулира лугъуси хѲебирар.

Гѡала-гѡала иру: «**Бисмиллагъи-р-ряхѲимани-р-ряхѲим. Аллагъу масалли гѲяла МухѲаммадин ва гѲяла али МухѲаммад**». ГѲур хѲяйна гѲергъиси такбир бучѲа: «**Аллагъу**

зурли, ва лугъуси миѲирагла кѡяшми дигъи, иш балга бучѲа: «**Аллагъумма гѡаза минка ва илайка фѲатакѡабал минни**» (Ва Аллагъ, иш ХѲезибад саби ва ХѲед саби, кѡабулбара набзибад), гѲур имѲѲабиру: «**Бисмиллагъи Аллагъу акбар. Аллагъумма салли гѲяла МухѲаммадин ва гѲяла али МухѲаммадин васаллим**» ва цахѲнарли сурс-кѡакъари ва хѲила кѲелра тум чердирхъу.

СУАЛТИ-ЖАВАБТИ

Газета бучѲантала суалтас жавабти лугули сай Дагъиста исламла университетла преподаватель **МяхѲаммад ГѲязимовли**

– Хъубеш нешличи неш или дугъайзни бунагълав?
– Юх, ил бунагъ ахѲен.

– Гъез цѲудардирес асубирусив?
– Гъез цѲудара рангли рурхъахъескѡадакѡабарибси саби.

Абу Давудли ва Нисаини баахъибси хѲядислизиб бурили саби: «Халкъли гъез цѲудара рангли рурхъу Ахират гъамбикѲухѲели ва илдани алжанала тѲемалра хѲергъу». Муруй пурбанбирули виалли, ва ил бируси ил багъандан биалли, гъез дерхъес асубирар.

«Хазрамия»

– Алжанализи сегъунти адамти бурхъути?
– Иш дунъялизибад

Аллагъличи бирхули арбѡякунти, илала идбагунани бурни хѲясибли хѲербирули калунти. Кѡуръанни ва суннали, дина авалра мазгъабла имамтани бурни хѲясибли хѲербирули калунти.

– Бусурманти ахѲенти адамтас садакѡала пай бедлугес асубирусив? (христиантас ва цархѲилти динанала вакилтас, илдикѲун садакѡа бурчули базуртачибра вокзалтазибра кѡаршибиркули саби).
– Садакѡа бедлугахъес маслигѲтибируси ахѲен бихабикѲули яшав барес балбизурти адамтас, сенкѲун ил баркѡуди илдани чула санигѲятли бетаахъурли саби.

Амма садакѡа бусурман ахѲенси адамлисра бедес асубируси саби, чѲянкѲли кѡурбайс белгъунси хѲяйва диѲ ва рабазан базла бурхѲназиб беркала (цѲябдаайчи) халхѲебарили.

«Мингъаж»

– ШайтѲан гъарли-марли чебаѲс вирусив?
– Гъарли-марлира шайтѲан чебаѲс вирар, сенкѲун ил ва цархѲилти тамашала анѲѲубкуѲуни Кѡудратла ВегѲлис имканти секѲал сари. Илис дигули ахъалли, се-дигара чебаахъес вирар.

– Гъарли-марлира шайтѲан чебаѲс вирар, сенкѲун ил ва цархѲилти тамашала анѲѲубкуѲуни Кѡудратла ВегѲлис имканти секѲал сари. Илис дигули ахъалли, се-дигара чебаахъес вирар.

– Хъайчи кайруси дурхѲинала юртлизив хала-

СИЯХ

ШаригѲятли бегѲлара онкъсилизи халбируси—ил садакѡа саби.

ваибси ва бегѲти агарси цѲурѡа виалли, магъар дирхъухѲели, илала шайзивад чи вирусив?

–Илдигъунти анѲѲубкуѲуназиб ил баркѡуди мерличивси мижитла имамли сунечи чейсуси саби.

– Спиртличилси компресс баралли дазала дулъутив? Держ—нажаста диубли гѲергъи, илдачи кѡячикалли дазала дулъути сари или бурули кѡалли.

– Дазала дулъути сари авал анѲѲубкуѲлизир: кѲелра биркѲайзирад шинкѲадеш дурадикѲихѲели, усуси замана дагърилизив ахѲи калунхѲели, шаригѲят хѲясибли сунечи хъайчикайѲс асубируси хъунул адамличи кѡячикунхѲели ва хъатла бухѲнала шайчил гѲявратличи кѡячикунхѲели. Спиртли дазала дулъути ахѲен, амма дехѲибала дарес гѡалар урасес чебиркур.

«Мингъаж»

– Таманти дазайчи васвасъала акѲубхѲели, шайхличи укъес асубирару?

–Вас-васъалалерлигѲергъи, таманти дазала дарнигѲяхѲси саби. Илди агарли шайхличи укъни адаб (Ѳтика) дуънигъуна саби.

– Кагъарла кѲапиличи Аллагъла яра илала Идбагла у гъанбушили белкѲунси лебли биалли ва ил кагъарличи хѲяжатдеш бетахъили биалли, илгъуна кагъар лайбикѲухѲели илди уми кѲелкадирутив яра кагъар игусив?

– Къелкалирес хѲяжатдеш лебси ахѲен, вирули виалли, илди белкѲани урдилзахъути сари. ХѲейрули виалли, кагъар бигни гѲяхѲси саби.

– Устаз чевяхѲвирнила сегъунти жураби лерти?

– Устаз чевяхѲвирнила Жура—ил иличи хаста адабуни дузахъни саби. БегѲлара чебяхѲси адаблизи халбируси саби устаз вегѲличив ва вегѲлис бегѲла гъамти адамтачив гѡлав чѡни ва дигахъни.



ГЯХІТИ АДАБТИ

Фатима МАНЗУР,
тухтур

Хурег букнила шайчибси низам – медициналира марбарибси саби, чархла арадешлис къуллукъличибси саблин. Бахъал адамти чула арадеш къулайбиахъес иличира хъарихъули саби. Исламлизибра хурег букниличила ва ил дарманбирниличила бурили саби..

Нуша сецад тамашадирули диахлеллира, хурег букнила къадриличила адамта инсаният аклукъличибад балули саби ва ил шайчир лерти имканти устадешличил пайдаладирули сари. Жъав змана нушала хала бегта деклар-декларти излумазибад сагъбиэс багъандан дарман саблин пайдалабирули калунсири хурег, илала жураби. Илала гьегъи сабри дармандирути къарани пайдаладирес бехлибхьибти ва илди дармандинличила багъурси. Къараназирадра химияла кумекличилра дармунти дирес бехлибхьили гьегъи, хурегра дарманбируси биъниличил гъалабгъуна халаси пикри бяхичиуси ахленри. Тухтурти саби биклулван, диетотерапия клиибил даражала саблин хлербирес бехлибхьиб. Амма гъаннара халаси опыти лебти тухтуртани зягиптас, дармунта бужес бехлибхъахъес маслигъятбарайчи, дарманбируси ва чус диргалахлебухъеси хурегра букахъес хъарбирули бирар.

* * *

Сен ишхелла заманала жамигъят хурег букнила низамличи декларси тяхляри хлербиклуси? Цабехл хьунул адамтани арадешра мяхкамбирулра жагатилира кавлулра или, заманаличиб баарила къадарлизиб хурег хлебукули, бархъли буралли, къаскъасли гушли буули, дахъал къиянжапа чекайсули саби. Илхеллира саби гъахлулалли. Гашиличил излуми сагъдарес вирар биклуту ва ил тяхляри излумазибад адамти сагъбирахънилизиб бузути тухтурти булан леб. Цацадехл излумази бикибти зягиптас тухтурта хуреглизибад гелумбилзахъес маслигъятра бирули саби. Ишар гъай адамлис деклар-декларти сабабти хлясибли балхлебиркуси хурег хлебукахъниличилацун ахлен. Чукъаси виънили алкхъути къулайдешуни лер или бурули саби.

Иличира хлрхлеили, хурег букнила низам—диета—биркунти дузахъес хляжати къадарлизиб ва баарила къадар тухъдеш лебси хурег букнилис хьулчи кабибхьисри гъанналис л4 даршдусличиб имцали гъалаб—Ислам багъарбиубси замана.

Гъаман Ислам законтала ва маслигъятдирути секла цахнабикван хлрбирули бирар, амма анцбукъ илгъуна ахлен. Исламлизир лерилра секлал лер,нешла канилав дурхля вагъарниличибад бехлибхьили букъурдеш кадилзахънилизирти назикти юридический тяхляркъяйдаличи бикайчи, дунья

Бусурманта хурег букни

кабизурхлейчибад илала ахир сабайчи бетиуси замана бухнабуцили саби илизиб. Исламлизир хурег букнила шайчир кадизахъурти низам-къяйдара белгидарилли сари. Бусурман адамлис ил секлалра дебали мягичебси саби. Адам рухличилацун ахленну къакъаиклуси, ил сунела къаркъайчира пикрииклес гъагниси сай, сенкун ил адамлис бедибси заманализиб пайдалабирес чарагарси саби. Ахиратлизиб ил шайчибра илизибад жаваб тлалабируси саби.

Исламлизиб хурегла шайчиб кабизахъурси низамла беклибиубси къяйда саби—гъагнисиличиб халаси хурег хлебукни. Мухаммад идбагла ꞥ ца хлядислизиб бурули саби: «Адамла уршили бицлес вируси бегларавайси тлалхяна—ил сунела кани

Гъайгъай, ишхелла заманала супермаркетуназир дирцути жагати берк-бержла продуктуни ва гъадатли хледиубти цедеш чедаибхелли, адамти илди хлесили буэс бирули ахлен, Рекламализиб илцадра халаси цакъ лебли буили саби. Саби базригантанира адамтала пикри чула масаначи битлаклес багъандан хлебируси агара: илди жагали далкъарахъули саби, бизили тлемдиклахъули сари, жагали рангдирули саби. Адамли илди чедаибхелли гъандуцес вирули ахлен, илди масани хлесили уэс вирули ахлен, сенкун сегъунти сарил халдарес иштхл алклули саби. Гъар секлал ункъли далуту адамтани маслигъятбирули саби илдигъунти тукентази хурег берки гьегъи башахъес, сенкун гушси канили илгъуна тукейзибад се-биалра хлесахъили хлелта.



Ас-Салам-фото

саби. Адамлис баибси саби сунела цакъани гьегъуцеси къадарлизиб хурег букалли. Гъатира имцали буралли, къиклала хлябал бутлала ца бутла—хуреглис саби, ца бутла—шинкледешлис, ца бутла гъавалис». (Гъахмад ибн Маджа, Тирмизи).

Мурталра имцали хурег букни адамлис дебали заралласи саби. Ил секлал гъанна дуньяличибти имцатигъунти гъалимтани марбирули саби. Тухтурти паргъатагарбиубли саби—инсаният хлулбала гъалаб цьрхъбирули саби, хаслира гъаладхл ардякъунти улкназиб. Чула битлак имцабиубли саби или зигарбиклули тухтуртачи дугъабилзути адамтала лугли къалабали имцабиклули саби. Халаси битлак лебти цьрхъти адамти саби имцаливан лебилра инсаниятлис мусибатли детаурти инсультлизи, инфарктлизи, чакарла изайзи ва цархилли излумази биркути. Европализиб, Северная Америкализиб, Россиялизиб урклизибад бубклути адамтала лугли къалабали имцабиклули саби. Гъанна илгъуна аги кабилзули саби гъалаб урклила излуми камли къаршидиркути Гъарабла улкназиб, Северная Африкализиб, Юго-Восточная Азиялизиб.

Илис сабабра лебтанилра ункъли балули саби—хляжатиличиб имцали хурег букни.

Нушазибад бахъалгъунти адамти саби сели букуллра мурталра деклар пикрибулхъули ахлен. Адамли беркунсализибад сунес гъахлеш леб

Мухаммад идбагла ꞥ ца хлядислизиб бурули саби: «Адамла уршили бицлес вируси бегларавайси тлалхяна—ил сунела кани саби. Адамлис баибси саби сунела цакъани гьегъуцеси къадарлизиб хурег букалли. Гъатира имцали буралли, къиклала хлябал бутлала ца бутла—хуреглис саби, ца бутла—шинкледешлис, ца бутла гъавалис». (Гъахмад ибн Маджа, Тирмизи).

яра агара или ахлен хурег букуси. Ил иштхлдухъунси беркес хлядурли сай. Адамлизиб биалли имцали иштхл бирар сунес заралати продуктуни халдарес.

Ил багъандан нуша, бусурманти, канила жиличи камли лехихъес чебиркур, хурегличи гъамдирухелли ва ил букухелли Къуръанни ва Суннали маслигъятдирути секлайзибад гъуни кайсес чебиркур. Хлядислизибра бурили саби кани бирцлахъес асухлебирар, илала ца бутла бацли бизес гъагниси саби или. Адам тукейзи вякъунхелли, илар дахъал продуктуни лерли чедаибхелли, чинаб-сабил Африкализиб бахъал гушти адамти

лебниличира пикриулхъес гъагниси сай. Чинаб-сабил гашазибад бубклути адамтира лебли саби, нуша къаршидикибси тукейзир илдицад берк-бержлерли хьалли. Африкализиб ахленну, нушала улкализибра бахъал бухъна адамти ва биштлати дурхли баркъудилизиб байхъугушли хлрбирули саби. Дурхлала юртаназибра илдигъунти къаршибиркули саби. Бахъал дурхли лебти хъалибаргуналара яшав гапла ахлен. Нушани биалли берк-бержлис хляжатачир имцали арц харждирулра, баилицун ахленну, имцара бухъари хурег букулра ва нушаб агарти излуми дургулра. Исламли биалли нуша гуштас кумекбирахъес, садакъа буртлахъес жидирулра. Бусурманти илгъуна бетуцлизиб вяшбиклес гъагнити саби ва ил бирни гапла баркъуди саби.

Гъанбиркахъес чебиркур, Мухаммад идбагла ꞥ мицлирли левси заманализибра бусурманти, мякълав гушси левниличила балухелли, сабира хурегличи къячбилкути ахленри, илра пайлахлерили. Ил багъандан нушани хляжатиличиб имцали хурег букнилис харждирути арц имцали пайда баклесли харждарес дирура.

Гуррара гъажаибси секлайчира пикри бяхичиаб тухтуртани: сецад имцали хурег букули виаллира адамли, ил яргаличил къацли укухелли ил адамлис гъатира имцали хурег беркес дигули уили сай, къаркъа биркунтани ил тлалабирули саби. Тарихла мурхъдешлизи хлризаллира тамашала секлал хлясибдарес вирули сай. Урга даршдусмазиб Европализиб хлрбирути аристократуни хляжатиличиб халаси хурег беркес гъазализиб бирутири ва «гашукъуни» чебиути ахленри.

СЯИХ

Кани—излумала юрт саби, арадешла бекл—хурег букнилизиб низам, цархилван буралли, дубурцини

ГЯЛИМТИ ВА СУФИЗМ

Ибн Сурайдж

Ибн Сурайдж—сунела заманала гялимтани ва гурла манзилтала халати гялимтани хижрала хлябъибил дуршдуслизиб дин сагабиахънилизи лебглеб халаси пай кабихъибси машгъурси гялимлизи халирусири.

Илини хаслира халаси пай каби-хъиб Шафигила мазгаб гъалабяхл башахънилизи. Ил сунела заманала беглара дахъал далуси гялимлизи халирусири.

Хакимли бурули сай, Хясан бин Мухаммадли ишгъуна буриб или: «Хижрала 303 ибил дуслизир нуша Ибн Сурайджани барибси собраниеличир къаршидикира, илхелли гялимтазивад ца айзур ва иличи дугъайзур: **Ва къади, гъарли-марли Къудратла Веги Аллагли** ﷺ **гъарил даршдусла бехибхъудличив умматлис дин сагабирахъуси халаси гялим алкъахъули сай. Цаибил даршдуслихъла бехибхъудлизив Аллагли** ﷺ **Гумар бин Гябдул Гязиз вархъиб, киибил даршдусла бехибхъудлизив—Мухаммад бин Идрис аш-Шафиги, хлябъибил даршдусла бехибхъудлизив биалли Аллагли** ﷺ **нушаб хлу вархъири».**

Ибн Сурайджли бурсури, гъачам сунени муэрлизир заклизирад кадиркули дурхъати къаркъуби чедаира или. Илини илди къуркъуба сунела кисмира дукалара дицили уили сай. Дахъал далути адмтани илала муэр баянбарисури ва ил дахъал багъудлумачи вегирни марбирусири. Илди



иличи вашусири. Илини шайхлизирад фикхла шайчирти сунела багъудлуми мурхъдирахъусири. Гъачам Ибн Сурайдж шайхличи ца суалла хлекълизив дугъайзури уили сай. Шейхли ил суал хясибли чумал пикри дурили сай.

Илхелли Ибн Сурайджли иб: «Аллагъличи хъа бирулра, ишбархиличи бикайчи нуни селра хлуни бурибсигъуна хлергъира, хлуни илди жавабти наб гурра тикрардара, нуни илди луклас». Жунайдли илизи аргъахъили

Ва къади, гъарли-марли Къудратла Веги Аллагли ﷺ гъарил даршдусла бехибхъудличив умматлис дин сагабирахъуси халаси гялим алкъахъули сай. Цаибил даршдуслихъла бехибхъудлизив Аллагли ﷺ Гумар бин Гябдул Гязиз вархъиб, киибил даршдусла бехибхъудлизив—Мухаммад бин Идрис аш-Шафиги, хлябъибил даршдусла бехибхъудлизив биалли Аллагли ﷺ нушаб хлу вархъири».

багъудлумира тят илди дурхъати къаркъубигъунти дирар. Гямурули чебаахъиб ил чевяхъиси гялимличи тят илгъуна къисмат хлерли биъни. Ил имамли исламла дунъялизиб дебали чебяхъиси даража сархили виъниличичи хлерхлеили, ил суфизмала имамтачи вашусири ва илдаци халаси хлурматличил хлериклусири.

Захабини «Тарихул Ислам» биклуси жузлизиб бурули сай, гъачам Ибн Сурайдж гъайиклхелли, лехлихъути илала гъайли дебали тамашабиахъубтири. Илхелли илини иб—ит заманала суфизмала имам Абул Къасим аль-Жунайдици сай укънила баракат саби ил или.

Ибн Касирли «аль-Бидаяту ва нихайя» биклуси жузлизиб бурули сай, Ибн Сурайдж Жунайдличил гъалмагъикибири или, ил

сай илдигъунти жавабти сунела урклилизир Аллагли аклахъубти сари или, илди жавабти жузазирад яра цархилти насихлатчибазирад касибти ахлен или.

Ибн Сурайджли хъарбаили сай: «Илдигъунти багъудлуми хлуни чинарад касири?» Шайхли жаваб бедили сай: «Авцали дусла бухъандешлизив Аллагла ﷺ гъала кайили».

Тамашабизеси саби, секъйдали цацабехл адмтани гъамадли супни чеббалкнилизиб гяйиблабурули бирарал, ил лугилилизиб Жунайджунти машгъурти имамтира биахъубли, Ибн Сурадджунти биалли илдаци хлурматличил хлербиклутири ва илдазирад чула багъудлуми чедирцахъутири.

Исламла тарихла лерилра даршдусмазиз илкъяйда бирусири.

Газета бучланта- суалтас кларахъала мезличил дурабулхъуси «Ассалам» газетала редактор **Яхъя Мяхяммадовли** жавабти лугули сай

Кабизалачерси бусурман хъунул адам кабизалачевси бусурман мурул адамличир азир дус гъалар алжайзи аркъян

Хянчиличиб бекличибад клана убасес асубирару, хъунул адмтазивадцун цалабикибси коллектив биалли ва вегла юртлизиб мурулра дурхлира ахленси агарси замана?

—Хянчиличиб барх бузути лебилра хъунул адмти биалли, клана убасес асубирар. Асубирар хъулибра. Амма ил бирахъес маслигъатбируси ахлен. Сенкун Къудратла Вегила гъалар дузахъес черти тяхляркъядализивад гелумизни бетарули саби. Гуррара, бурили саби хъунул адмтани гъез дигъанхледируси юртлизи малаикунни абицлуту ахлен или.

Юртличир чумал субхян лерли диалли, гъар бархли лерилра субхянтачил балгни дирес хляжатсив? Субхяйчил балгни дирес мурт къулайси?

—Лерилра субхянтачил балгни дирес хляжатдеш лебси ахлен. Балгни дирес ва Аллагъ гъаниркахъес (субхяйчил яра ил агарли) беглара гяхъиси заманализи халбируси саби шала шикъдхъниличибад берхли абухъайчи ва бархлехъла дехлибала дарили глергъи берхли гелабикайчи замана. Къиматчебси заманализи халбируси саби бархлехъла ва дугила дехлибултала ургабси заманара. Маслигъатбируси саби дугили алзахъес ва Аллагъ гъаниркахъес. Цархилван буралли, балга-дугялис ва Аллагъ гъаниркахъес дуги-хлерила чидил-дигара замана балбиркуси саби, ил шайчир кадизахъурти къадагълуми лерти ахлен.

Хъунул адмлис вачарла къуллукъуни хясибли архляйли рашес асубирусив?

—Вачарла къуллукъуни дарес ахленну, мурул яра мяхрам варх агарли хъунул адмлис зияратлилра дурарухъес асубируси ахлен, сари хлерриуси шила яра шагъарла дура рукъес багъандан иличил варх мяхрам виэс гягъниси сай. Суннатла хляж баресра шаригъатли варх мяхрам агарли виалли асубирахъули ахлен. Нушала замана бахъал хъунул адмти чула саби, варх мяхрам агарли, вачарла къуллукъуни гъунчидушес дурала улкънази булан башули саби.

Бусурмантала неш Гяйша риклусири: «Идбагли гъаннала хъунул адмтала баркъ-бац чедаибси виалри, илди дехлибала дарес мижитлизи башахъесалра хлебалти». Идбагла ﷺ замана хъунул адмти дехлибайчи мижитлизи башутири, амма ил вебклили глергъи камси замана арбьякунхелли, Гяйшани хъунул адмтас дехлибайчи мижитлизи башахъес маслигъатбируси ахленри, илдала бухъа-зегъаличи разили хлериеъни багъандан.


Идбагла ﷺ замана вачар-чакарлизиб мурул адмтицун бузутири. Нушала замана биалли урглебси аги саби. Мяхрам варх агарли вачарла къуллукъуни гъунчидушес хъунул адмти архляйли башнилис гяйибла бегти илдала дудеш, узи, урши, мурул саби. Илдаци хъардиркути гяйибтира кавлуту сари.

СУАЛТИ ВА ЖАБАБТИ

Газета бучантала суалтас кIарахъала мезличил дурабулхъуси «Ассалам» газетала редактор **ЯхIья МяхIяммадовли** жавабти лугули сай

■ Чуйна асубирусид тавбу барес?

--Тавбу (пашманиъни) Бахъна тавбу барнила гIяхIти баркъудлумазибад ца саби. Илдигъунти баркъудлума дурадуркIнила шайчиб кабизахъурси къадар лебси ахIен. Виубцад имцIали пашманирни ва тавбу бирни гIяхIси саби. Адамли Аллагъла гъалаб сунечибси гIяйиб иргъули ва уркли-урклилавад сунезибад кабикиб-силочи пашманиъни биэс гIягIниси саби. Нушани бунагъуни хIедирули д и а х I е л л и р а , хIедалути бунагъунира диэс дироти сари. Гъарил бунагъу барибхIели, г I е л а й з и архIебихули, тавбу бирни гIяхIси саби.



Ас-Салам-фото

Эгер хъунул адамла я мурул я урши агарли биалли, амма узби лебл биалли, иличиб чебсив узилизибад хIяж барес рукъес пурбан сайсес? Ил рирару варх мяхIрам агарли, бирхаудибихъести хъунул адамтачил рарх хIяжли рукъес?

--МяхIрам агарли хъунул адамлис архIличи дураулу хъахъес къадагъабирусид биъниличила бирхаудиби хъести дахъал хIядисуни лер. МяхIрам варх вирнила мурад хъунул адам ратахъни ва илис урехи хIебиахъни саби. Ил багъандан саби илдала пурбан хIяжатбиркусира.

Имам ШафигIини бурни хIясибли, мяхIрам агарли, бирхаудиби хъести хъунул адамтачил рарх архIяличи дураулу хъухIели, ил хъунул адам сунечи сари умутчерли риэс гIягIниси сари. Имам ШифигIила мазгъабла

гIялимтани бурни хIясибли, хъунул адамлис умут лугусид саби:

--муруй,
--мяхIрамли;
--бирхаудиби хъести хъунул адамтани.

Илгъуна баян гили саби суннатла хIяж бирниличил бархбасуниси суал хIербирухIели. ГIялимтани бурни хIясибли, маслигIятбирусид хIяж барес, мас бицес яра асес хъунул адамлис архIяличи дураулу хъес асубирусид саби чIянкIли варх мурул яра мяхIрам варх виахъублицун.



Ас-Салам-фото

**Номерла суал:
«Исламлизир гIямру ва бекIла»
ибти дугъби баяндарая**

Исламлизир гIямру—Къудратла ВеI Аллагълис мутлигIли виъни, лерилра Илала хъарбаркъуни тамандирни. Исламлизир бекIла—иманичил вебIни, шагъадаличил.

8-963...59

ГIямру—хIяздулхъахъути лигIматуни, хIялумцIла, сабира хIу ахтардиварес Аллагъли дурабуркIусид, бекIаличил илди лерилра тамандирули сари.

8-963...17

Исламлизир гIямрура бекIлара—гъарил бусурманнис дигути секIал сари, амма илди диркули сари чеббикIитасцун, масала, СайидмухIаммад-хIяжигъунтас, КурамухIаммад-хIяжигъунтас, ГIябдулла-хIяжигъунтас.

8-988...86

ГIямру—цIедешла анхъ сари, илизибад хIуни янилис сабухъ бурчулри. БекIла—ил бирхутас лигIмат ва чеббалкIунтас дард саби. Ца гIяжълукарли бурили къяйда: « БекIла—нушачибхIи игъубси гъуц саби, гIямру биалли—гъуц нушачи сабаайчилиси гибси замана сари».

8-928...52

«Исламлизир гIямрура бекIлара» ибти дугъби чумал девличилцун баяндарес хIейрар. Илди се сартил багъес вирар нушала динна узи ГIябдулла ГIялишаевла бузериличи ва ахирличи хIеръалли.

8-909...80

ГIямрура бекIлара—илди Аллагъла ряхIму-уркIеци сари ва муъмин адамлис талихI сари.

8-903...40

ГIямру—заманалис гибти сари, бекIла биалли—даимти гIямрула бехIибхъуд саби

8-928...78

Исламлизир гIямру цархIилтас гIибратли виубли хIерирусид замана сари, вебIесра чебиркур лебилра хIечи мяштIбиэсли.

8-928...84

Исламлизир гIямрура бекIлара се сарил белгибарахъути гIячихъти мисалти сари нушала динна узби СайидмухIаммад-хIяжила. КурамухIаммад-хIяжила, ГIябдулла ГIялишаевла къисматуни. Аллагъли нушаб дагъирира цIакъанира габ илдани бехIибхъибси баркъуди ахирличи бикайчи таманбарахъес.

8-928...29

Дагъиста бусурмантала рухIла Идарали ва «Ас-Салам» газетала агълули кIарахъала мезличил дурабулхъусид «Ассалам» газетала редактор **ЯхIья МяхIяммадовли** ва илала узи-уршилизи чус ахIерси **Шагърутдин** шалгIевухъниличил бархбасахъи халасидеци балахъули саби.

Аллагъ сунела бунагъхIатIаличивад чевверхаб. Сунес алжана насиббараб. Амин.

МОБИЛЬНИКЛИЗИРАДТИ ЖАБАБТИ



Ас-Салам-фото

Исламлизир гIямрура бекIлара—Къудратла ВеI Аллагъ аргъес багъандан адамли ахъес гIягIниси гъуни сари.

8-988...18

ГIямру нушаб Аллагълис суждабирахъес гибти сари. Нуша хIердирути бекIалис хIядурдеш барес сарра. БекIла—рухI цархIил дунъялизи гечдиъни саби. Аллагъли нушаб ахъри габ ишди гIямру асилдеш дихIули деркIахъес, Къудратла ВеI нушачи разили калахъесли сунела лугърачи.

8-928...55

ХIебирхутас гIямру—алжана сари, вирхусилис бекIла—Аллагъли бедибси лигIмат саби.

8-928...17

ГIямру—туснакъ сари, бекIла—азаддеш, сабира дахъал дусмала гIергъи сархусид. Илди гъайлизиб мягIна леб.

8-963...45

ГIямру—Аллагълис мутлигIдеш чедаахъес гибти сари, илди—Аллагъличи аркъусид гъуни сари. БекIла—нуша АкIахъубсила гъалар тIашдизни саби.

8-925...02

ГIямру—цархIилти гIямруличи хIядурирусид замана саби. БекIла—даимти гIямрулизи ухIнаверхни саби.

8-918...06

Рузнама

ДЕКАБРЬ

дни	утрен.	восх.	обе-денный	после-обед.	вечерн.	ночн.
1	5.13	6.56	11.38	13.59	16.19	17.52
2	5.14	6.58	11.38	13.58	16.19	17.51
4	5.15	7.00	11.39	13.58	16.18	17.51
6	5.17	7.04	11.40	13.58	16.18	17.51
8	5.18	7.06	11.41	13.59	16.18	17.52
10	5.20	7.08	11.42	13.59	16.19	17.53
12	5.22	7.10	11.43	13.59	16.19	17.53
14	5.23	7.12	11.44	13.59	16.20	17.54
16	5.25	7.13	11.45	14.00	16.20	17.54
18	5.25	7.14	11.45	14.00	16.20	17.54
20	5.27	7.15	11.47	14.02	16.21	17.55
22	5.29	7.17	11.48	14.03	16.22	17.56
24	5.29	7.18	11.49	14.04	16.23	17.57
26	5.30	7.19	11.50	14.05	16.25	17.59
28	5.31	7.19	11.51	14.06	16.26	18.00
30	5.31	7.20	11.52	14.07	16.28	18.02

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ

заместитель муфтия РД
Мухаммад ДАВУДОВ

Редактор
Патимат ВАГИДОВА
Канонический редактор
Гарун ДЖАГУМОВ

Верстка
Асият ХАНОВА
Ахмед МАГОМЕДОВ

Набор
Тавсултан САИДОВ

Менеджер
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».
Отпечатано в ООО «Дом печати» по адресу: пр-т Акушинского, 20.

Заказ №

Сдано в печать 12 октября 2008 г.

Тираж 3700 экз.

Адрес редакции
367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращайтесь по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: info@assalam.ru;
www.assalam.ru